



圭齋

文集卷之十四

宗孫銘鏞編集

安成後學劉鈺校正

題

北行錄

士生休明之代區宇混一意之所之跡跡皆可以達即
其耳目之所覩記舉英攬華託諸翰墨論議之間異時
奇聞偉績因是以有徵於來世也廬陵奔元凱挾其吟
詠之學卓犖之才其至京師與當代名縉紳劇談雄辯
周諮國家之巨釁而升平諸福之物舉集一時於是黃
鵠朱鴈之什人爭誦之至於登高眺遠追懷往昔風晨
月夕排遣羈思佳句尤富使之得展所蘊於承明著作

之地以任揚厲輔張之風豈不大強人意乎二後降葉
題而歸之

安成劉氏家譜

往年宗人南記自吉州刺史琮遡歐陽亭侯上及神禹
下逮安福府君萬不以地之遐僻族之蕃廣必旁蒐遠
羅不少遺譜成且欲合祠吉州刺史安福府君為不祧
之祖集宗人之近者節春秋展敬祠下其規措不允用
志亦仁矣嘗因堯賓兄序之惜哉南記已矣安成鐫君
思清携先世告身六七通求予識其後且胝余家譜上
推其祖之所自出下列各派之所同出徵兩漢南宋以
至陶唐氏得姓以來之祖其意亦由南記也余嘉其

其敦睦之誼圖分派別得別生分類遺意故為之書目
告之曰子歸為我訪黃石宗人之賢者謝曰其毋廢譜
學毋廢祠事庶幾余猶有望焉思清字清隱於予先世
通家又同生矣未今為湘鄉校官家譜則其後弟思復
之所圖也

西平李氏族譜

桓桓西平為唐中興功著鼎彛德被黎烝當時賢良風
雲依乘如渾侍中如馬北平曾幾何世系冷如冰惟西
平裔趾美相仍更唐歷宋我元是承設科曰雋試吏曰
能守令之選臺閣之登表表愈偉為時名稱子孫千億
繫繫繩繩天道之報信哉可憑予書其槩寓勸以懲後

之來者於焉斯徵

衆芳所存安成劉伯仁號芳所後以扁其齋

嗟衆芳之所在宜君子之盤桓巖班璘兮有菊晚紛披
兮有蘭朝菲菲兮紉佩文采采兮為餐通神明於鼻觀
納上清於泥丸却氛穢而益壽志無昏而氣完襲馨德
乎先拈託高風乎歲寒

彭功遠先世手澤

先叅政冀公曩善廬陵彭君士楚先公上庠高選雖治
春秋能通諸經忍見前代時文散逸每屬士楚收拾士
楚至則稱載克物先公暇日亂紉而泛閱之擇其尤者
別彙為秩士楚亦能朗誦先世詩義有至迭論玄兄弟

湯不及省先公勗之曰黃冊子會有行世時兒曹毋忽
也先公薨之七年科舉興玄首擢第追憶先訓泰定甲
子彭公冲所以詩經擢進士為士楚從弟於是其家學
益振他日冲所子功遠來京師袖其曾祖坦軒祖碧野
二先生及一門諸父舊業程文蓋冲所題識手澤謁余
求一言是蓋吾先公平日之所購求而士楚之所樂誦
者彭氏世科之左券不在茲乎俯仰四十餘年科目廢
而燭興興而歛廢今明詔復飭中書舉行玄叨塵從臣
初議闕下力贊其成又適秉筆代言播告海內矣會將
見程文復盛當世喜而志於斯

南谷居士自贊像後

士大夫自贊其真例多自抑之辭而生平自知之明往往見於言表如善寫真者引鏡自照以圖其形宜無遺乃玄嘗銘南谷翁墓今觀其寫真自贊表裏純誠殆非丹青之所能狀尤非發潛者之所可模寫也至正二年三月余客瀏東厚田湯氏家齊吾弟携此見過因贅數語于後

五馬圖

卷中五馬龍者其誰如隔腦脂如行烟外如辨九疑而况南山四十萬匹中欲求流雲飛電之姿嗚呼世無伯樂者其誰

蜂戀其房兮不可以游蛛待以網兮為有所求曾不知蛟蝶與草虫兮飛躍之自由

娛拙集

娛拙集者吾宗歐陽存中甫之作也其中古樂府諸篇情景俱至追議當時近體詩清新俊逸佳句層見是何吾宗人之多才也題曰娛拙雖謙辭實出見解六朝劣於漢魏得其巧未得其拙也晚唐媿於盛唐亦得其巧未得其拙也繼自今拙日進則詩日進矣何當見存中甫重揚確之

白麟溪三大字後

右白麟溪三大字前中書右丞相脫脫為浦江鄭大和

書溪舊號香巖在縣東二十八里白麟則大和二十六世祖之名也有惠准者字季淵寔白麟十九世孫由遂安遷溪上易以今名示有先也准之孫綺至大和凡六世大和從子鑑至某又三世皆同居共財朝廷表為孝義門於乎溪流無終時公特書是以寵之者蓋將勗其門相為悠久哉字畫方毅酷類顏真卿觀者孰不改容不待贊也

大師右丞相畫墨竹

右墨竹一枝大師右丞相所畫以遺其館客授經郎鄭浚常者也丞相天資明睿知識過人一目得文與可竹譜學之即臻其妙觀其畫果面嚮柯幹節脉皆與可法而筆意老蒼與近代李蘄丘諸人所作迥然不同浚常在相府直言不阿又多引拔善類為長史甚得體相君雅愛重之故受以心畫云

御賜石刻千文搨本後題

今上皇帝得智永千文命近臣摹勒刻置宣文閣中所拓墨本從官之有文學者則識以宣文閣寶而賜之授經郎浦陽鄭深浚常嘗侍上經筵故預是賜可謂稽古之榮也夫金璧珠寶天下貴賤之所同尚者也國家以旌有德賞有功於所同尚者而不靳焉所以示恩也至於法書名畫遇彌文之代時君聖性好古則其所尚有重於金璧珠寶矣於其文學侍從之臣不靳其所獨尚

者而賜之所以示異恩也鄭氏浦陽義門九世同慶朝廷嘗旌之今浚常以斯文又膺是賜愚故願義門之子孫世世寶之上以無忘聖天子好古博雅之志下無以忘乃祖父遭遇之由足以垂久遠矣

跋遠林鐫君墓銘後

前代士大夫非居憂人不敢以銘墓情非此則奉勅或契支族屬尊行與座主舉主也今常博鐫君文廷制中作遠林劉君墓銘文字簡古又得古式故特表而出之跋王六年詩帙

余從王實初先生得其族孫德生詩賦一帙讀之翩翩然渥洼奇駿筋骨甫壯肆其馳騁未有紀極也他日範以王良造父之法納之和鸞大輅之下則才氣老矣三復題而歸其帙

跋劉士行墓誌銘

廬陵處士劉士行父以經學名家曩予在京師國學進士解子元嘗請序其詩文矣今其弟解觀又以邵菴虞公所為墓銘求予跋夫廬陵九老以忠節文章顯國史書之天下宗之士行讀其書誦其詩論世尚友顧非斯人之徒與抑邵菴之銘至矣予奚庸贅

族祖澗谷先生留墓跋

至正壬午十一月予訪族至鉅岡之防里縣大夫浚儀趙侯尚之因休日特來勞既而又專其館賓羅君孺文

與其子璉求鈐岡題名記等作時予又之別族之安成
孺文踪跡余所至暇日敬問其先世則先輩澗谷先生
之從諸孫也先生分教長沙時先尚書澹軒先生居郡
洋前廡道同志合友誼彌篤既去官書問不絕咸淳甲
戌先冀公以混補入國學先生時為權院留臨安貽書
相慶以為先尚書宣力學校之報內附後猶數有書於
是予與孺文叙先世通家之好聚首數日驩甚將別出
先生長沙藁一帙視予帙中或手自抄或筆更錄朱墨
如新皆所點校歛衽讀之如從先世與先生游詠碧湘
翠麓間也獨詢其適傳則有如往時湘中之所傳者使
人不能不係之以感慨士大夫寓形天地可託者二一

曰有文二曰有後二者未必得兼不得已而去則有文
庶無憾也

歐陽文忠公墨跡跋

玄生平所見宛國文忠公真蹟甚多其篇帙大者於同
年許安陽家見昆陵胡文恭公墓銘藁百丈輝上人所
見州郡名急就章胡氏碑行草急就章皆微涉行楷余
家所藏佳者曰與杜祁公蘇明允書及晚年三乞致仕
表草皆筆法如一獨祁公書端謹結體頗若蘇氏父子
豈非蘇氏感公之至初年做公之書後充拓自為一家
體邪茲來叙族至早禾田歐氏見集古題名碑跋而歐
氏在楓樹下者又出與留守學士書見示皆名墨也第

書中既字兩用雖既况古文通然意若有所謂留守學士者得非田元均乎旅寓之文字考訂姑識此說以俟傳古之君子

眉壽二大字跋

至正丁酉九月浦陽鄭深浚常由吏部員外郎除浙西憲僉將行自念先為授經郎學在內府密迓青坊常獲侍皇太子硯席今日遠役誼當入辭乃因宮臣以見既詢其南歸之由對曰老母年近八十思便侍養是以遠涉鯨波不敢憚勞也儲君惻然顧左右取近日所書眉壽二大字賜之蓋以高其親之年庶以永其子之養也敬惟皇太子天迪仁孝之性於茲一事二美備焉仁事

親之實孝為仁之本皇太子平日親睦問安之道於三宮異以寧君親之心就君親之志以斷君之壽也一旦推其錫類之盛心成已成物之功仁與孝不可勝用矣眉壽始見於豳風之七月老人眉壽有毫壽之徵也後屢見於魯頌之閟宮今鄭氏在浙東九世同慶旌表孝義之家也部使者興化美俗之官深知斯行奉元良心畫以歸心法之正大筆法之端嚴焜耀山川新民觀瞻於是稱豳雅之兕觥効豳人壽君之敬而竭其忠賦魯頌之駘背保魯侯壽母之樂而遂其孝繼今鄭氏忠孝之祚日熾而日昌其兆在此也深屬玄述其實謹書之下方云

沁園春

作此日先君冀郡公

玄子未前還憶汝今朝初度時是吾家幾世書香闕
我翁疇昔心地坦夷宅相伊何泛紅老子汝母慈仁有
兒如今恨倚門人去和膽為誰丈夫七十何為笑三十
功名已是遲要經天緯地拓開實用朝風弄月省可虛
詞我亦平生卮言徒費猶酌檐花向九疑團藥以待老
吾泉石留汝鍾彝

大德丁未玄賤生之日先公祝之以沁園春玄受而

歲之第年少家貧性亦疎散房中惟有一敗篋以繩
約之篋中無所有又以紙外護之甚嚴暇日時復展
玩明年戊申不幸先公棄世自是見無焉因始不忍

觀皇慶壬子玄免先公喪又二年矣先公在時所定

謝氏歲久不克成婚繼妯長沙郡君謀為玄畢婚媾

而玄方游湘中繼妯老妮啓玄篋取故衣浣濯補紉

以俟新婚老妯目不知書篋中文字亦為所持去此

詞亦在焉玄歸而求之竟失其所遍索十數日無得

深自刻責以為不能寶藏先人之訓遂為此生抱恨

之大端每至劬勞之日則泣而識之如是二十五年

屢嘗籲之先公冀陰相之庶幾復見此詞以無負付

囑之意延祐乙卯以來玄僥倖科第歷官中外至元

元年乙亥叨恩翰林直學士國子祭酒先公贈翰林

直學士亞中大夫輕車都尉追封渤海郡侯尋蒙奎

章近臣奏請有旨申勅詞臣製碑以賜玄感激之餘
付書還家囑舍弟信翁先白於彌告祭之日諸昆弟
子姪咸集中堂姪進老遽前曰昨日偶治故書得先
祖手澤一紙蟬食殆半乃壽八翁沁園春也兄弟相
視大驚曰此汝叔平時徧求而不得者汝何得此衆
取視之果然即付書報玄京師二年丙子夏謁告南
歸立碑甫抵舍姪即以詞見遺玄奉詞涕泣如隋珠
和璧去而復還自計生平可喜之事未有過此嗚呼
異哉詞所謂宅相伊何泛紅老子者謂外大父臨賀
府判理齋李公也倚門人去和膽為誰者是歲免先
夫人喪也朝風弄月省可虛詞者玄少作頗患多故

先公以...猶酌檐花向九疑者先公分教
春陵特將之官也雖然玄之至喜者以此詞之失而
驟得則先公若有陰相之也他日或可追伯魯授簡
之責也其至懼者則以先公期待之意如彼而玄之
踈文謏學所成就若此其何以追伯符不克負荷之
譏乎裝禘既完踪跡所至必携以自隨三年丁丑以
侍講學士召入京戊寅春以二品恩例申請夏五月
進贈中奉大夫湖廣等處行中書省叅知政事護軍
追封冀郡公先妣追封冀郡夫人六月甲申祭禮畢
因出此卷再寫善本并致所感云男女玄泣血書于賢
良坊寓舍

跋先公與南谷先生書

先冀公與南谷居士未及一識族中宜翁為之求書於安福同知王君習齋未幾習齋去官故未及投畱之篋筭考其歲月蓋大德丙午丁未間書則玄為子弟時代先公作者也至正壬午十一月玄叙族至防里俯仰將四十年南谷先公即世皆久兩家子弟覽之愴然

圭齋文集卷之十四終

圭齋文集卷之十五

宗孫銘鏞編集

安成後學劉鈺校正

贊

御書九霄贊

聖人居潛如日未旦待其將出光景於粲若木蟠桃實生海濱天光首被先萬物春離屢正中烜赫八表物物容光莫獲私照上在桂林臣有震宦躬荷寵頤深翰賜之作其踐胙億兆悉臣欲攬天章幾千萬人向所蒙恩曠遇希世隋珠和璧曷足言異今雖近臣孰敢奏請仰瞻雲漢惟有引領日邊之氣其名曰霄陽數用九乾德孔昭龍飛之徵有開必先形諸翰墨夫豈偶然天啓淵

表神助筆力震書乾初洞見天則猗嗟震宦世世寶藏
億載萬年為龍為光

麟鳳二大字贊

皇太子習大書端本堂上命度其所書記之於籍或以
賜近侍宮臣則錄所賜人姓名而登載之慎重之至也
宣文閣授經郎浦江鄭深其官署既在內府與青坊密
廷深家又以九世同居聞自諭德以下咸樂與之遊因
得侍硯席被寵顧故有是賜焉所賜為麟鳳二大字若
曰同居為國家之瑞有若麟鳳云爾筆法方嚴意度閒
暇天縱不凡深得之允為慶幸屬玄記其事於下方謹
拜手作贊辭曰春宮臨池神助腕力結體楷嚴運筆端

直上命宮臣以時貯儲遇有賜于籍而記諸深任延閣
授徒官庫獲陪燕翼雁是寵光維麟與鳳肇錫孔嘉有
之似之瑞我國家

潘雲谷墨贊

徂徠松雲貯玄谷道人居中抱其獨琅琅空山萬杵孰
道人擘然開電目松雲化石石化玉崢嶸寶氣霄漢濁
貢之奎童月在橫龍光淋漓九字福

十八羅漢畫像贊

我觀應真玲瓏八牕具妙用故示諸愚蠢世言神通自
墮幼吮匪梵匪漢匪奇匪厖見師即呵孰前搏控千花
冥冥百泉淙淙猿吟鶴飛白雲空蹇龍伯山君巴滇蜀

駭爪剛力猙冠詭服處或象瑜來或於菟降信攝平等
詐分珉玕如來在時慧日萬邦既入涅槃境俄然膏鈺固
脩第二有二無雙矧此苦海寔資徒枉南浮諸方金鼓
肆擬建論性相樹茲疑憧彼不見月指月在江溇為泓
泗激為湍龍我無成虧喧寂一腔

此歐陽先生閒暇時着意為鐫神實題此廿韻仲實
避亂客固江黃氏子魯所因以遺之識者當因文以
重其畫不可因畫而汎觀其文也馮翼翁子羽觀跋
為防里族姪題文忠公像歐陽永叔

文在兩間與世推移道之將興文必先知八代萎靡韓
歐繼作讀者瞻之實啓濂洛五季鉅筆素王微權本論

人 奉 奉慶曆七篇入心既正士者斯淳黃河泰華我公其

自贊

不古不怪不清不奇置之竹籬茅舍似無不可貢之玉
堂金馬亦無不宜噫百年三萬六千日與吾相對吾亦
不知其為誰

族兄山村先生像贊

實踐真脩洙泗之學闊視雅搽箕穎之風節用謹身克
而達乎曾閔之行存心養性悟而超乎松喬之宗子孫
極高年之養而志存舊日之儉素鄉鄰推文人之行而
身教後生以謙冲郡侯賜帛重於鄉飲朝廷表門侈於

素封是宜濟南諸生追懷九十之伏勝襄陽過客想見百代之龐公

族子素彝後贊山村子也

以治官之能治家以應世之智應族不遺履舄任用咸當不勞黷等資具自足心平而直何事城府行簡而易豈資邊幅有子孫之賢可悅情性有山林之勝可娛心目入見其康健而期為山村向上之壽我觀其忠厚而知為歐門鼎盛之福與

靜脩先生畫像贊

先生姓劉名因字夢吉容城人至元中蒙裕宗召為贊善

微點之狂而有沂上風雩之樂資由之勇而無北鄙鼓

瑟之聲於裕皇之仁而見不可留之四皓以世祖之畧而遇不能致之兩生嗚呼巖巖鳳凰固守內之不常有也然一焉而六典作一出而春秋成則其志不欲遺世而獨往也明矣亦將從周公孔子之後為往聖繼絕學為萬世開太平者耶

默安先生畫像贊

寤寐乎明善誠身之書安遊乎格物致知之學關西三韜未必祭於教授之四世苟度八龍奚以過於伯仲之一壺豈非白茅作而忘信著玄酒導而嗜慾薄者乎鍾期伯牙有同世而不相遇者吾胡於默安之神交而益以重容城之先覺也

威如蘇先生畫像贊

英其數之皎皎素絲其搜遠討默識於思子也精於學
海之文德人之容君子之守

郎中蘇公畫像贊

進子寧父為名知士其心塞淵如古君子既合於古誰
詰於時職是正直弗究取施居家鳴高在國諤諤如
長松喬如一鵝登以謹言屢忤權相晚著惠愛之食邊
饒剛者必仁仁必有後宜爾有子簡自造秀遺像儼然
不亡者存尤京可作執教矣雲

魯文公畫像贊

先生之學吾輩與諸君有厚矣而先生之書吾

讀未遑吾有微信李通紫陽大道無形公獨有像神仙
不死公獨有堊堊留仙訣像馭仙風止乎觀丘池水澄
融魂月魄水息慮良止鶴鳴長空騰化震起遺鈴記傳
嚴密謹言感發人心何日已焉

防里族姪友人劉伯常名彞贊

鑑氏奕世以更著號何事於更一變至道不變者存于
其保之字子以常名子以彞

陽明軒太玄子龍

間闔開蜿蜒回寶劍出天馬來

疏

寶雲禪寺題疏

唐會仰小釋迦上形禪師作雙峯禪寺於石鎖峰下迄
今稱名利座席多叢林望士至則咸有所樹建舊殿僧
堂作者為別傳弘法堂為晦谷輝鐘樓為夢作滿南廡
文室為近年譙山福今堂頭一清徹公克武前備仰瞻
佛殿屋老思撤之揣力弗贍以余舊家宜陽寺近吾族
求作僂語發端鉅家真獲資助圖維厥新詞曰
唐剝占山水之奇舊多勝迹瞿曇備天人之福必有廣
居維茲寶雲雄我鈴邑翬飛傍峙已聳瓌瞻象馭中臨
未崇殿制茲欲衷多益寡舍舊圖新即蕪陋以徵辭謁
華腴而求助於是講遺規於娑馭證妙境於率陀長者
布金祗園嗟集事老人恩庫故異蹟誅成功故既

書卷附

與所性姪書

自夏謁告祠垣道假江左取便欲經祖郡省墓諸亭之
行途中暑劇心與迹違抵家以來且人事蠶叢文債日
生遠辱慰問但卑叔在朝奈自從巨未差黼黻之報恩
及二代無蒙賜碑榮幸不勝今遣僕老李特賞勅賜碑
一本相奉別致薄贖贈諸族屬煩吾姪分俵勿患其寡
而患其有未至也近者賤疾百病交攻使者復促上道
起居未可自必老僕即使之歸似難稽召命舟中欲便
任其扶持之勞家兄而次雷此致問不宣

谷意山先生

意山聘君老兄文侍玄去冬防里彌月之留涵濡道德之味於骨肉之情得於兄所教良多迨今銘感未已今即來辱惠問動懇第恨溢美辭多令人讀之赧然賤跡自正月中旬以來右膝微腫其痛如刺始者護痛不敢屈信久之兩足筋掣即自行立俱廢稽延召命恐違官箴遂授年雖未及身委有病自願致仕者聽之例移文有司行達朝省冀此庶得樂畧專心然亦沉痾如舊書來所謂佞裝上道那得許事耶令郎初至適值病體服宣利之藥遂致泄瀉不已困憊不能見客數日稍復當圖報深媿莫能效毫髮之助聞張毅甫尚書除江右憲使其人相知力疾作一書干之或能相汲引一試也側

聞茲歲垂悵仍在舊館郡泮必時至彼諸生常得親炙老成亦幸事也餘惟萬萬自愛占蒼崖畧不敵先施等干尊照不宣

又與意山先生書

玄壬午譜亭之別于今六年都下蒙惠書但送書人乘便即行徃徃不別而去不及報書為歉方馳仰問令郎至荐辱佳翰承寓居春臺壽履康裕殊慰殊慰文集舊序如戒更寫令郎所著易問辨甚佳已為作序第媿病餘意緒不佳之好語也令郎氣宇明爽因推其八字非常發達行當擢科吾兄收義方之效享榮養之祿計日可待也劣弟蹒跚如昨右臂時苦風氣流注大為所窘

景是文債日生無少休息令人悶悶未卜會期惟以道
珍番草草伏希尊照不備

回所中書

猶是癸卯年叙譜以來今三十有五年矣是時不肯與
所中俱在子弟之列每思幼從兄弟之樂今復欲爾尚
可得耶去夏謁告祠垣假道江淞初意徑趨洪袁一訪
故耳中途劇暑遂與願違老僕還聞族中諸公相候甚
久令人慚慙無已茲遠席宗庇自忝從臣恩及二代兼
蒙賜碑尤出望外受寵驚懼蒙書乃以賀言惟重怵惕
祖塋題表之喻僕何敢當第曩歲侍親春陵見元公家
數世之墓皆太守方孚若為題之他日援此故事或得

一名筆表識亦未晚也踐迹
未知彼措吾姪何以告之儀翁還
孚照 占復潦畧等樂

回所立書

相距五百里相別十五年逆旅倚伏靡不更常起居動
靜邈焉無從忽宜翁兄携所惠書得之驚喜相半追憶
曩侍先君子琴冊適執事自練侍來以拜見退相從齋
閣是時僕與執事俱為人子弟一門自為師友之樂有
不容喻今日此况此味惟屬之所立仰為名門雍熙之
軌翁季道德之盛異時秋蟬賦側耳獨領畧吾知叔弼
久矣兩科士論殊以魯生不來為恨六月之息三年之

鳴端有所待他日榜中龍虎第一相承舍君其誰政當
堅坐冲密守庚申耳區區遭時承乏何足置牙頰來書
諄諄然及之令人卷舒媿潘可拾甚者以六一為是何
以美疾強加我耶此公事業未論其他只蘆荻畫地我
輩曾受此苦曾下此工夫否此則斷斷然不夢見脚板
者也廬陵長沙之議不謂茲事亦徹聽聞僕在二部不
翅滄海一梯或者之語僕亦不辨惟應之曰僕為宗翰
不敢藉談尤不敢也不敢布素一語亦告者過番種瘦
馬自是鄙億家風且先輩三尺森嚴在前何敢猖獗一
步寄示畫軸皆米家虹月惜蕪穢不足發揮歲晏百冗
積委宜爾行矣還傳

回鏞申齋先生書

暨族黨諸先達皆不及顛狀敢告申敬何時譜亭叙拜
以聲鄙懷家兄而次附致謝臆等幾鬼照不宣

玄頌首再拜復書提舉聘君申齋先生文席玄即辰清
和承體候佳勝濟南耆年有相之道不勝願見之禱吾
宗振先來辱書且知姪孫宗任客臘叅謁墜下第緘寄
雄文迨今未至不審何故亟稱督索端便復命隴阡樵
採之禁事出當然流言之惑實無是也區區抱病三載
始獲一歸心志凋殘舊學如失其不能為先正大夫役
也審矣適候卜氏女病振先就之相見借紙占酌凡百
潦畧惟鼎茵加密以壽斯文謹奉狀不宣

答劉桂隱書

玄頓首再拜復書桂隱先生執事玄視廬陵江鄉乃未
獲一寓桑梓之敬諸鄉先生亦未嘗一望履約虛名誤
人僕僕南北抱茲二欠負負奚文先生道德之重藻鑑
之明今先之以書且有文集叙之喻僕何足以叙高文
之後此亦虛名誤聽聞耳踵襲訛謬如是不已豈不甚
可畏哉僕自去春痺疾盛作一歲之中請告十九今者
又有哭子之戚悵悵南歸予環之使要計潞上夏初誤
恩落侍講升學士俯僂循墻迨今未敢拜命心常怔忡
舊學廢忘仲賓還姑爾塞責滓穢高明知罪知愧盛暑
力疾泚書不敏先此

答孫春洲書

玄頓首再拜上記春洲聘君先生玄讀天台賦金釵嬾
嬾吾耳將二十年識公於此蓋久昔人識心在識面之
前斯謂知己族弟志行家人至辱佳翰勞問勤懇殊慰
瞻馳第玉署再遷之言此傳說者之謬幸勿過聽區區
抱病三年朝廷熟察而深憐之譬之病駒不任銜勒置
之茂林豐草之地使之姑遂其本性豈有復可驅策者
哉今郎才俊自當不乏知遇萬一邂逅在他人尚能推
轂豈敢愛一援手之力於秦晉之戚哉价旋力疾占谷
秋杪冬初必到防里胥晤有日餘儲面賦草略切希照
察不宣

不宣又

玄頓首再拜春洲先生契友玄擲在史館與曼碩揭公
談江右人物揭稱譽足下才美在臨川孫履常何太虛
間會見咄咄逼人他日相知翰墨中益見故人藻鑑之
高日者弊族諸子弟見過又知結習斯文固有瓜葛第
恨才薄資淺仰慕前脩薦士不得彷彿其萬一耳所求
春洲詩及大字草草塞責報章遠勝作者子昂墨蘭自
是佳品感媿無數區區劇暑抱病赴便裁答不敵先施
尚幾照察不宣

與張憲使書

都門別後賤跡尋亦謁告還鄉相距地遠之便致書惟

深馳仰近傳公之共移轉在浙拜節西江西江之
民蘇息之期實在此矣漢先世西江人也里中長老特
相往來語及公來相與喜拊少白僕近訪族族中少俊
甚多有姪原春者其才足以應舉然得失未可必袁州
路學薦為直學例必經憲司試驗欲望相公賜一援手
之力他日寸進寔出陶鎔何敢忘也賤體入春以來痼
疾愈甚兩足筋攣行立俱廢雖被召命自度病勢如此
未見即愈自願休致之章已達有司每日從事藥爨而
已為况無足為知己道者舍姪行顯此起居未中冀願
序珍音行膺柄用不具備

慰國博喪母書

玄頓首奉慰文廷博士至孝玄不意慶門倚伏之會先
大夫入奄棄榮養緬惟哀痛奈何玄聞變不勝慘怛已
僦小車詣行府申唁昨暮適苦痰嗽鬱眩之證又聞車
行甚亟勢未獲面會中統若干聊為雀車之資道遠與
節哀順變以襄大事手疏潦略不具

與劉文廷書

玄手書再拜上文廷博士提學相公仁友玄往夏去國
同列中以不獲一言以別為恨客冬還鄉久之又以不
蒙一紙之寄為欠今夏忽睹除目承有儒臺之擢既喜
且駭其喜則以國初甚重此職覃懷許公由是拜
亦愚葉公由是拜右轄大德中兵興趙公由是拜

講吾文廷居之文愜士論其駭則以賤跡離翰苑特
揆力勉其留其言以為斯文漸覺人少僕抗言薦數士
為代如文廷皆其列也當揆蓋嘗諾之今忽外補非文
廷求出必不爾也已而果傳有子夏之戚聞之胸次作
惡者數日昔有三人聞客言虎患一人感額特甚僕其
人也才不才亦各言其子往年嘗以此致心疾後來
思之理數自然皆有乘除脩短存乎其間莫年盡傷亦
復何濟不如姑聽造物所以處我者何如耳劉仲賓行
亟此代面外有一啓極知剝出或可助發一莞聊以寬
君之憂也僕態勝心近又苦痰暈之疾但夙緣無涯竟
日為人造綺語業殊可厭也毫楮草草希照亮

啓

茲諭輟班學省進秩文臺晨入都堂陳衷懷而求去書
歸六館別同舍以治行綸綽及門輜軒在路既許即家
而為府又容需次以申情仕官以稱職為稱心宜無內
外重輕之辨賢達唯知義故知命自明禍福倚伏之機
故於趨賀之緘輒為譬解之語孔文舉揚德祖言人所
親即兇羨門子淳丘公今世未聞有後首尾不嫌於衡
決肺肝所托於深知習習馳忱忽忽闖便

回有王許參政啓

辱示謙鳴喜新首治句一有感無衣之賦竟償復楚之言
相知獲全璧之歸始若一如素之旨蓋人之秉忠者必遂

而物之拂性者終遠追惟往事之堪驚益懷高位之難
處文場有議豈容居西掖而弗知丹詔驟頒乃獨使東
廳而恭聽此挾姦回之秘策欲推後入之前茅尋移疾
以去官姑待時而俟命生意已存於碩果大材寧繫於
匏瓜皇天實鑒乎臣衷聖主自定乎國是予環鶴渚公
曰盍歸乎來哉授柄鳳池衆謂兆足以行矣屬開端於
更化嘗効力於代言然非烏獲莫勝曷免絳侯見沮急
迓輜軒而傾蓋真同韋布以彈冠洎僉黃髮之謀親預
綠章之寫於是退前日掩奎之宿即當時押角之人嘉
與賢能潛行周家選舉之法至詒朋友共播虞廷賡歌
之音第塊踈庸莫陪揚厲王通受罔極之賜惟乞開身

孟明收再効之功當書逸史亟酬先施倍切懽崇

祝告文

天昇寶命列聖相承貽萬世之不基輯九圍之至治頌
茲菲德嗣守基圖念皇考之上賓結孝思之罔極爰舉
徽稱之典躬陳時祝之儀尚冀垂歆敷錫祚胤

明宗皇帝附廟祝文

於穆皇考聖德配天何臨御之弗遐儼威靈之如在顧
茲冲眇嗣守皇圖惕惟丕訓之承祗奉鴻名之舉是用
躬執圭瓚薦其苾芬仰惟顛懷來格來貺

焚黃祝版

維至元三年歲在丁丑二月朔壬申越十三日甲申孝

孫翰林直學士國子祭酒玄孫昭告于祖考贈中順大
夫中書禮部侍郎上騎都尉追封渤海郡伯澹軒先生
歐陽公文奉元統三年甲戌三月制書以玄忝列藝文
大監備位二品推恩二代贈封祖考官職勲爵如右是
年九月以書到家告廟改題且遵彝式為玄尋遷大常
翰苑等官限以職守今者謁假來歸告墓之典始克成
禮惟我祖考懿行粹文師表湘楚惟誠淵人惠利後學
儒者之德莫盛於茲餘慶所被施于諸孫獲承國恩致
有褒贈思昔咸淳甲戌鼓篋上庠在其當時六館諸生
為厥父母咸得推恩世運遷移先考齋志六十年間歲
運一周積善之報久而累彰有若此者侍郎法從之官

貴列八座渤海大郡之壤崇視徹侯載燔密章昭侈上
賜伏惟膺此寵光濬厥福澤庇賴我後益熾以昌謹以
牲齊穀饌式伸虔告

焚黃告后土

維至元三年歲次丁丑二月壬申朔越十有三日甲申
翰林直學士中順大夫知制誥同脩國史國子祭酒歐
陽玄敢昭告于官祭橋白雲菴后土之神玄欽奉制書
贈封祖考中順大夫中書禮部侍郎上騎都尉追封渤
海郡伯爰擇穀旦燎黃于塋惟神苞流崇深顯擢明秀
相我先祖安靈于茲比歲後入本國茲茂實惟神麻惠
徽方增報祝致後自今以

崇耀尚圖利之謹以酒穀庶羞式伸虔告

防里祭祖祝文二

大元至正二年歲次壬午十一月己巳朔十有二日辛
巳曾孫翰林學士資善大夫知制誥同修國史玄謹以
牲酒之奠致祭于防里第十一代祖七承事府君歐陽
公墓前而言曰禮去鄉國省墓而行重違遠也先世遷
瀏動踰十紀井邑既殊歲月既久踈渺松楸事勢使然
餘慶所覃靡間彼此玄自竊科第登進公朝備列法從
推厥本原敢昧所自謁告來歸展省墓下追懷雨露怵
惕深增惟我先祖流慶後昆願自今始無曠彝禮尚享
防里歐陽氏始遷第一代祖府君墓前人本乎祖百世

匪遙精神旁通體魄如在遠孫席庇展省還鄉萬木一
春萬木一清豐本濬源用永有譽惟我先祖寔克相之
祭后土文二

防里第十一代祖墓后土氏之神先世遷瀏遠墳墓
會孫展禮宅觀以固祖考來歆神亦惠顧濬靈鍾奇錫
我蕃社我族既傳百世無斃尚享

防里歐陽氏始遷第一代祖墓后土氏之神自言之表
我祖始遷至靈茲所今三百年高山蜿蜒其上隆然神
神焉后靈流如川

翰林國史院祭揭侍講文

公之道德忠厚篤實洞徹內外公之文章純深爾

非警發憤憤乃館閣之踐駁實昌期之際會密勿論思
從容進退當舉為之日隆惟恪恭之弗戒掌斯文於玉
堂贊皇猷之光大侍講讀之經幄知啓沃之切聞待引
年而挂冠戒舟楫而南邁帝錫命而來還真黃髮之未
艾適聞詔之方殷思竟考夫前代詔總裁於三史庶緝
熙於帝載天不憇遺慨其殄瘁惟我同僚思其莫再望
望喪車悠悠丹旆尚期英爽歆此薄酌

祭子達老文

至正元年歲次辛巳二月十一日老父八翁即大都崇
仁門之寶泉寺為持羊舉瀆殺之奠告汝十二郎上舍
之靈曰嗚呼哀哉尊者哭卑者而哭於暮年生者送死

者而送於異鄉天下之勳有甚於斯乎吾年五十餘而無子也既以汝為子矣九吾老身之侍奉後日之繼承誰汝是賴一旦而失所望焉天乎人乎孰使老父罹此毒乎以子之學可受第祿以子之孝宜享壽齡天乎人乎孰使吾子至此極乎丁丑之秋赴名北來汝伯汝叔送吾與汝他日吾還汝獨何往吾亦何面目見汝伯汝叔乎汝之生父吾之愛弟也久矣抱病遂廢官業令聞汝計還數千里其將何以為懷乎為之兄者又將何以堪此情乎且汝之病吾謂之醫而竭之劑汝之歛吾致之禭而哭之痛猶以為有憾也吾弟於汝其病也不見所服之劑其歛也不見所禭之衣將何以解其憾乎吾

於吾弟幸付托之意於天地之間乎吾才下士祿寵踰涯不自乏和過其可及乎去年送汝以行又止之其敢違乎勢難再留計無之信友扶汝護汝先還家山昔汝孝感於天不生不獲祐死當家休汝登舟車無震無驚無忍無怖魂神清明依汝體魄吾今抱病危矣汝之淚盡而血滿而心悸慮甚焉上天下地無所歸治汝喪歸立後後

元弟之真也汝其有知
必上父留此為念也
之其可已

圭齋文集卷之十六

圭齋文集卷之十六

宗孫銘鏞編集
安成後學劉鈺校正

附錄

元勅賜翰林直學士亞中大夫輕車都尉追封渤海郡侯歐陽公神道碑銘有序

翰林侍講學士通奉大夫知制誥同脩國史知經筵事臣張起巖奉勅撰

奎章閣學士院侍書學士中奉大夫同知經筵事臣燮燮奉勅書

奎章閣學士院承制學士中奉大夫兼經筵官臣尚師簡奉勅篆額

今皇上即位之三年至元改元冬十一月三十日奎章閣大學士臣沙臘班奏翰林直學士臣玄識翰林論思有勞制贈其考官三品爵列侯欲著之碑銘光移上恩其勅翰林臣起巖撰文奎章臣嶮嶮書丹臣師簡篆額上曰可臣起巖承認伏惟延祐初年仁宗聖文欽孝皇帝繼述祖訓建立科舉大廷策士臣玄臣起巖賜第拜官為同年皇上御極簡擢侍從臣玄臣起巖代言細史為同官明詔諭臣俾揚其先烈發其潛德求之臣職揆之友誼皆不敢辭謹按公諱龍生字成時歐陽氏其先冀之渤海人從晉南渡徙長沙率更令詢以文學顯名有曾四世孫琮為世朝史因家廬陵琮八世孫萬為

下四世曰效三
子諱遠託德吉水後吉水初置永豐傳二世是為宋大師克國文忠公之考崇國公其他子孫散處安福之境雍熙初割安福置分宜縣隸宜春郡故居安福永豐者籍廬陵居分宜防里者籍宜春而安福分宜地相去不滿五十里公防里族也別號防里歐陽氏曾祖安時及祖新皆漕試湖南愛瀏陽山水之勝又徙居焉新字仲齊以經學著稱淳祐末荆溪吳公子良漕湖南辟廬陵歐陽巽齊守道為岳麓書院山長又以禮聘仲齊為講書因寓長沙巽齊聆其講說嘆曰長沙自有仲齊吾何為至於此考達泰字忠叟經術行業師表一方學者

常數百人擢科登第相屬也用薦為潭學錄安撫司檄
與湘潭譚景衡履學田墮沒者登故額士廩以羨廩慶
羅子遠在教授席賴其佐助為多今贈中順大夫禮部
侍郎上騎都尉追封渤海郡伯妣何氏渤海郡君公年
十六入潭學已負俊譽月試占高第相國古心江公判
潭州帖為崇禮齋長又二年從醴陵田氏受春秋三傳
甲戌混試國學生湖南終場萬三千人有奇拔公二十
八人公以春秋中第二肄業存心齋時羅教授為朝官
以書賀云邇潭學經界忠叟景衡盡心焉去歲景衡子
魁鄉薦今年忠叟子入上庠造物報人不爽如此至元
丙子內附侍禮部還瀏陽居震陽山之白雲莊禮部晚

歲空心六玄作律曆統元圖書數十卷因耗心得渴疾
公泣諫不為止未脫藁卒公抱其遺書每慟哭至絕左
丞崔公斌行省于潭召之以親老辭居山十有七年部
使者李淇至瀏瀏有文靖書院祠龜山楊先生論廢於
隣使者考郡志謀復其信詢眾求才望士任斯責眾以
公對乃專縣尹杜元忠即山中延至會有司例試儒以
中選者復其身使者命公考士湘陰瀏陽去取公言人
至今稱之憲部薦其才牒宣閩達之省府授文靖書院
山長郡人強之起始受命改築書院猿山之陽踰年禮
殿講堂門廡齋舍及龜山先生祠事內外具舉學者雲
集書院廩稍不贍佐以已資夫人亦徹奩具助其經費

落成之日升堂講孟子承三聖畫言龜山先生傳周程
學西及豫章延平紫陽朱子實承道統斥王安石配享
孔廟功亦可配孟子山林老儒聞書院之復遂講至為
出涕秩滿公牒之京師贈大傅魯國康里文貞公野齋
翁林李文正公抑庵集賢宋公文薦為校書郎行就職
矣會集賢言歐陽山長有功文靖書院今劉陽陞中州
例設教授師席初筵須宿儒碩望啓迪來學宜移教其
邦人便朝論是之改濬陽州儒學教授至則會學廩可
贍二十人月約一十五日選俊秀補員會食躬親教督
諸生皆勤勉自力科場既闢進士輩出實公權輿之遷
道州路教授道介兩廣或以為公曰茲為周夫子之

鄉何遠之有至官郡庠隣濂溪書院公定規約朔望謁
宣聖畢教授率諸生謁濂溪祠一日過祠東見老屋數
間詢知為西山精舍勝國時祠蔡季通蕪廢久矣祠舊
隸郡庠有田百五十畝或利其入欲蕪并之故以屋僦
軍官去遂不治幸其速壞公立召僕夫拚除按籍得田
脩其祠郡學田多為豪民據有公請諸憲司被檄往括
暑行山間得租三百餘石因感疾歸卒官舍至大元年
八月五日也年五十有七諸姑奉柩歸以三年十月三
十日塋郡東羅田之木瓜埭公既歿之七年當延佑甲
寅玄舉進士魁湖廣省貢明年乙卯以第三人賜第同
知平江州遷蕪湖尹初贈公承事郎同知湘陰州事再

贈朝列大夫同簽太常禮儀院事上騎都尉追封渤海
郡伯今贈翰林直學士亞中大夫輕車都尉追封渤海
郡侯初娶譚氏一年卒再娶李氏金陵仕族有婦德知
書前公四年卒初追封宜人進封渤海郡君今封渤海
郡夫人繼室李追封長沙郡君譚夫人有子曰浩龍川
書院山長娶唐渤海郡夫人有子五長貞孫石林書院
山長娶王次定孫曲阜林廟學錄娶李次玄也今中大
夫國子祭酒依前翰林直學士知制誥同脩國史娶謝
封渤海郡夫人次憲孫幼鞠外氏李沅陵縣學教諭娶
湯奉彭三妻胡氏娶別女二長壽武同路教授卜天佑
大壽

住建昌

孫男四曾孫女四公儀表峻清瑩哲如玉有膽略幹局

性孝友幼歲嘗割股肉以已母疾兄士高蚤世撫其遺
孤皆有成婚嫁必先兄子而後及已子先疇悉推與之
讀書目五行下八歲屬文十五下筆萬言文雄渾有體
裁學精敏有識趣尤長於講說義理每講篇出土傳誦
之晚號雲莊有經學理窟雲莊講義及所著文集傳於
家歐陽氏世以文學名廬陵之族大顯于宋矣宜春防
里清門素業文行有傳至於禮部倡鳴經學師道尊嚴
表率多士公學為通儒行為士槩宣勞庠序位不滿德
維持斯文克有其任再世如一遺善後人是有良嗣旨

擢巍科聲華燁然演論玉署黼藻帝猷追封二代有位
有士大書表隧思賁歿存則公父子平昔績學衛道之
業昭然四達而防里之族克昌以大將媲美於廬陵矣
於乎盛哉

銘曰

惟歐陽氏廬陵別族有家劉陽同出安福文忠相宋魁
然大儒防里清門世德不孤操義風烈堅持允蹈服膺
克繩義方之教三代之英士生其時世其道德以恬以
熙至行應古鄉邦攸重士子景從如鳥歸鳳衛道育才
再世一心播擾百年有獲斯今綸章載頒秩登侯伯霈
恩所覃於渥其澤大君賜命詞臣敬承撰銘發潛匹休

廬陵宣昭幽顯帝仁若天垂示無垠何千萬年

大元故翰林學士承旨元祿大夫知制誥兼脩國

史圭齋先生歐陽公行狀

曾祖新贈中奉大夫嶺北湖南道宣慰使護軍追封

冀郡公

祖逢泰贈昭文館大學士次貝善大夫上護軍追封冀

郡公

父龍生宋太學上舍生累贈集賢大學士榮祿大夫

上柱國追封冀國公

公諱玄字原功姓歐陽氏其先出於夏禹之苗裔漢涿
郡太守子孫有居冀州之渤海從晉南渡居長沙唐率

更令詢四世孫曰琮為吉州刺史因家廬陵琮八世孫曰萬為安福今故有居安福者安福而下四世曰效三子謨託遠託徙居吉水析四邑永豐傳三世曰觀是宋大師楚國文忠公之父崇國公遠留安福子孫散處境內宋割安福置分宜縣隸宜春郡故居安福永豐者籍廬陵居分宜防里者籍宜春而安福分宜地相去不滿五十里公為防里族宣慰公訊湖南轉運司愛瀏陽山水之勝遂卜居焉淳祐末荆溪吳公子良將漕湖南辟廬陵歐陽公吳齋守道為岳麓書院山長又聘宣慰公為講書歐陽公聆其講說為之驚嘆昭文公經術行業師表一方名賢公之行事始終則有今上所賜碑備載

云集賢公子四人長貞孫次定孫次即公季彭年公生於至元二十年五月母冀國夫人李氏賀州簽書判官廳公事某之女讀書能文親授孝經論語小學諸書公八歲已能成誦始從鄉先生張貫之授學日記數千言即知屬文十歲有黃冠師至里塾坐定周視諸生注目視公久之曰是兒骨格不凡神氣凝遠耳白過面目光射人惜本朝未興科目有則狀元何疑然異日亦當文章冠世聲名滿天下廊廟器也言既而去亟追與語已失所之集賢公為文靖書院山長部使者某至州謁之書院公與諸生講誦使者異之就坐命賦梅詩立成十首晚歸增至百首使者謂集賢公曰令子奇才也年十

四從宋進士方山李公某受業下筆輒千言年十六歲
從宋進士吾山鄧公某每試庫序必占高等老師宿儒
讀公詞賦制科之文戒其子弟傳習焉弱冠下帷數年
人莫見其面經史百家靡不研究伊洛諸儒源委尤所
淹貫間至郡城憲使涿郡盧公摯見公儀表及觀所為
文大器重之相與倡和留連不遣去薦為憲史力辭不
就大德元年母李氏大夫人卒居喪哀毀致疾十一年
公生之日集賢公為詞以壽之期待之意甚遠集賢公
遷道州路儒學教授公寔侍行道為周元公鄉里儒風
尤盛公日從諸先生遊學力銳進境內勝槩題藻殆徧
集賢公卒喪毀瘠扶柩以還築室墓側居廬三年然

後歸復還郡城江東憲使蒙古孫公澤省親長沙一見
大奇之留諸舍館為忘年友薦公文學堪居翰苑牒郡
府以達朝廷雍郡虞公并齋汲分教于潭每見公所為
文為之擊節時其子集為國子助教繕寫成帙親題以
寄於是公蹤跡未至京師而聲名已彰著于朝矣皇慶
二年州之霞陽山宣慰公墓在焉前有方池水流清澗
仲春之月西偏有泉感沸其色正綠初出如絨凝結漸
大如層雲疊翠浮泛水面日出生於西亭午至池心日
入沉於東者三日汲而書於紙經久而色不變延祐元
年季春之月芝草一莖七葉生於舍東桃樹犬樂相乳
哺綠泉復見作三瑞堂以志其事會景詔設科取士公

公治尚書與貢廬陵龍公仁夫為考試官公夢神馬見於雲霄書公姓名大旗上果以天馬賦中第一明年賜同進士及第授承事郎岳州路同知平江州事四年丁繼母李氏憂六年調太平路蕪湖縣尹疑獄數起累年不能決公得其情皆為平反豪右非法虐戶驅奴公俾之從良貢賦徵發及時民樂趨事民有所為皆曰縣尹聞之得無不可於意否莫不忖度而後行事飛蝗獨不入境嘉禾生野蠶孰成繭教化大行道不拾遺父老相率上其狀公力止之乃刻石吉祥僧舍行臺憲司交章薦揚泰定元年改承直郎武岡縣尹縣控制溪洞蠻獠雜居俗尚勇好鬪撫字以垂事譽不慄公視事踰月亦

水大清兩兩... 無後出公曰彼亦人耳欲弭其... 躬行撫諭即日單騎從二人徑抵其地至則死傷盈... 戰鬪未已徭人素知公德望及至皆愕然相視棄兵... 羅拜馬首請罪曰我曹非不畏法而擅興兵緣斷其... 于縣縣不為直而吏更需求無已縣後橫斂括克百端... 使終歲勞苦無以為生情有不堪發憤就死耳不意... 我清官自來罪不可逃公乃宣布德威明示信義... 其頌其人感激遂安召為國子博士四年考試進士於... 禮部陞國子監丞致和元年授翰林待制奉議大夫兼... 國史院編脩官會賓興承旨學士或有事後或留上京

一二同屬皆稱疾不出公領印攝院事日直內廷參
機務凡遠近調發制詔書檄既而改元天曆郊廟建
立儲肆赦之文皆經撰述且條時政數十事實封以
多推行之二年考大都鄉試初置奎章閣學士院又置
藝文監隸焉選清望之官中書擬翰林脩撰某為少監
文宗不允郡臣莫測其故久之乃問脩撰品級對曰六
品又問嚮蕪湖歐陽縣尹有庶叢今安在對曰為翰林
待制又問待制品級對曰五品曰何為不擬待制而擬
修撰耶即承奏曰御書歐陽玄可授藝文少監特命左
丞相伯顏參政阿榮傳旨公耶命入謝文宗大悅復問
玄曰汝為廬陵族長沙族耶應對稱曰聞古今書畫或

臣定合為敘其生明是年考致進士
郭奉直學士伯顏朝經世大典明
南陽太守伯顏朝經世大典明
善奏不極其意者公其本
陽玄可授大監今日歲進
位改中順大夫
學士中書大夫
誤太皇太后
廟成奉勅
召赴中都
二年得請還家

詰同脩國史遺編年表等書命張元壽等合議內閣
召議太皇太后玉冊文曰年表等國子監進通奉大
夫譔皇太后玉冊文賜白金五十兩五年夏風痺乞南
歸便醫有旨不允修由皇宮重慶成奉勅譔之初公
有子皆早卒後以弟彭年之子達老為嗣六年二月卒
公哭之過哀舊疾復作乞還鄉里携柩返葬遂以聞
上深念之即日遣奎童問典籤全晉履撤里賜內醞二
尊迨至臨清勉諭導切不克辭復還拜翰林學士資善
大夫知制誥同脩國史命馬札兒台右丞相草詔懇辭
去位降旨不允止免朝賀行禮至正改元更張朝政事
有不便者集議廷中極言無隱科自乞復官有元宗公

力爭之命脫脫右丞相草詔九月南歸明年遣使賜白
金五十兩金幣表裏段各一內醞二尊復起為翰林學
士以疾未行有勅譔故相和寧忠獻王脫脫神道碑三
年詔脩遼金宋三史遣使賜內醞二尊召為總裁官使
者迫促力疾就道至則廟堂問脩史之要公曰是猶作
室在於聚材擇匠聚材則先當購書擇匠則必遴選史
官於是用公言遣使購書增設史官立三史九例又為
便宜數十條俾論譔者有所憑依史官中有悻悻露才
議論不公者公不以口舌爭俟其呈藁援筆竄正其論
自定至於論贊表奏皆公屬筆南郊禮成冊文肆赦賜
白金百兩居庸關過街塔成奉勅譔碑賜白金五十兩

四年奉勅撰成宗御殿碑賜白金五十兩五年知貢舉
進翰林學士承旨榮祿大夫知制誥兼脩國史初御史
大夫也先帖木兒在宿衛上問在廷儒臣乃以公姓名
對上曰斯人應事累朝制作甚多朕素知之今脩三史
尤任勞勳汝其諭旨丞相超授爵秩用勸賢能明日大
夫出遭丞相於延春閣下傳旨既畢立具奏牘上大悅
稱快者再三命左丞相董守簡賜宴史館明日入謝平
章納麟謂曰吾久在省臺未見昨日天顏如是之喜也
張公起巖先為承旨位第六公所代第四公曰張公吾
榜首又先拜命今位次反居末雖曰君命誼有未安乃
自謙之及求文後進上喜書成賜白金百兩金幣表裏

三年遷鄉不克六年陞文正公除福建閩海道
三年使行次浙西疾復作因請致仕九年夏遣使
賜白金五十兩內醢二尊勅撰故相冀寧忠宣王帖木
爾世務日與昆弟故舊觴詠自適有終焉之志十年
秋復授承旨遣使賜內醢二尊以老病力辭不獲湖廣
省臣知朝廷注意於公屬養疾武昌道宮日往候問勸
公北行控辭之文屢上不允又遣使賜內醢二尊趣行
適車駕還自開平迎謁行殿復有旨行禮朝賀聚會皆
免冬奉勅撰定國律撰選格序河決白茆口大興二役
勅公護河平之碑十二年春宣赴延春閣集議肆赦草

詔夏乞致仕陳情誠懇乃特授湖廣等處行中書省右丞相致仕賜楮幣萬貫玉帶一條仍給全俸從子遜老授本省檢校官孫佑持授湖廣道宣慰使司照磨俾得便養將行降旨不允依前承旨進階光祿大夫辭不獲十三年上如開平中途賜楮幣萬五千貫尋奉勅撰金字藏經序新建壽元忠國寺碑文十四年知貢舉又充廷試讀卷官至是始知家罹寇禍二兄一弟相繼去世親屬四百指死已大半配糞國夫人謝氏避難郡城亦沒公聞變衣甚上深憫念賜楮幣萬五千貫傳旨慰勞復命遜老以資成庫副使給驛還鄉收聚所餘骨肉遷寓武陵奉勅撰三皇廟新置雅樂記大赦天下草詔時

又以病不能出外命就家具藁秋皇太子遣宮臣齋親書經訓二大字內醞二尊以賜上箋稱謝皇太子命世臣解說藏諸端本堂十五年撰皇太子玉冊文賜金帛表裏段楮幣萬五千貫十六年上遣近臣賜楮幣萬五千貫無論高句驪草詔十七年春乞致仕欲由蜀還鄉不允大赦天下宣赴內府草詔時久病不能步履丞相傳旨有輿至延春閣下上問丞相斯人在朝最久製述益富年壽今幾何丞相悉以對賜楮幣二萬五千貫遣執政存勞皇太子千秋節賜楮幣萬貫十二月戊戌薨於崇教里寓舍中書以聞上賻以楮幣二萬五千貫皇太子賻以楮幣五千貫明年三月壬寅權塋京西宛平

縣香山鄉石井村公既喪其長子達老後請于朝以長
兄之孫佑持為孫今授從仕郎侍儀司通事舍人婚卜
士駿靖州安撫司經歷教授李崇志有圭齋文集若干
卷惟公學於未有科第之先沉潛經傳所親承多故宋
耆碩而性度雍容含弘績密出宰二縣寬仁恭愛處已
儉約為政廉平不苛視民如子舉善以勸未嘗答辱故
歷官四十餘年在朝之日居四之三三任成均兩為祭
酒六入翰林而三拜承旨脩實錄大典三史皆大制作
屢主文衡兩知貢舉及讀卷官凡宗廟朝廷雄文大冊
書告萬方國所用制詔多出公手海內名山大川釋老
寺觀碑銘得公詞為祭片文隻字流

傳人間咸知貴重文章道德卓然名世引拔善類贊化
衛道黼黻治具與有功焉於是中外莫不敬服及大盜
之起相國徂征公嘗陳論事宜謂當請命大廟而後行
招捕並行則脅從誑誤者可生六部諸司分官從行糜
費供給歲月稍久必致公私匱乏嚴禁州縣科歛不公
一軍失利他軍不援罪在王將蒙古漢軍民義一體論
賞不可分別輕重徐州既平當順流東下耀武揚州遣
將分勁軍一支北助河州軍討平淮西一支南助池州
軍討平江州規圖湖廣江西道遣使督南陽圖襄陽四
川軍圖湖廣督河南軍急攻汝南約諸軍以十月夷黃
州賊崇明立賞格正賊降者蠲其罪仍與相副官職土

豪能殺賊未降者亦官之大軍所至傳諭脅從者別置
一所則賊勢自孤有殺降俘男女者殺士之通曉軍務
立加旌擢至於謹烽燧精間諜皆不可缺其後政府求
疏時事公首言京師天下根本車駕行幸宜於侍衛親
軍中遴選射藝絕倫方畧出衆者教練守禦要害陝西
四川宜擇德望重臣素習武備深曉民事令其久任責
以保障一方不宜數數遷除併力克復山東以制河南
兩淮選猛將擇精兵萬餘人出賊不意以取武昌邊官
省掾宜擇公平廉謹之人俾專兵事右司選官一員專
一巡檢克復州郡覈其無籍戶若干今有若干總兵官
與監臨上司結罪申報則公經濟之術實是可見其萬

一美素官學京師嘗從公於史館晚學與進尤至謂可
以承斯文之遺緒然素之行不佞無能為役佑持請序
述公之世家出仕行實上之大常史官以俟采擇謹狀
翰林學士承旨榮祿大夫知制誥兼脩國史危素狀

圭齋文集卷之十六終

圭齋文集卷之十六終



